



Khutba Jummah

HADHRAT MUHYI-UD-DIN AL-KHALIFATULLAH
Munir Ahmad Azim

07 Avril 2017
(09 Rajab 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « *Converser avec Allah (swt)* »:

لَهُمُ الْبُشْرَى فِي الْحَيَاةِ الدُّنْيَا وَفِي الْآخِرَةِ لَا تَبْدِيلَ لِكَلِمَاتِ اللَّهِ ذَٰلِكَ هُوَ الْفَوْزُ الْعَظِيمُ ط

Lahumul-Bushraa fil-Hayaa-tiddunyaa wa fil-'Aakhirah: Laa tabdiila li kalimaatillah. Zaalika huwal-Fawzul-'Aziim.

« Ena pour zot (c'est-à-dire, Bane camarades d'Allah (swt)) ene bon nouvelle dans la vie lor sa la terre là (par la révélation et la conversation avec Allah) et aussi dans la vie future. Pas pou ena aucaine changement à bane paroles d'Allah. Voilà l'énorme succès! ». (Younous 10: 65).

Nous bizin garde à l'esprit ki la révélation pas veut dire ki ene l'idée bizin surgir dans l'esprit d'ene dimoune ki consacré li dans réfléchi à ene kitchose comme, par exemple, ene poète ki après ki li fine réfléchi lor la moitié d'ene verset de so poème, li cherche l'autre la moitié là dans so l'esprit et so l'esprit alor suggère li l'autre la moitié là. Sa c'est pas ene révélation mais c'est le résultat de la réflexion, conformément à la loi de la nature. Quand ene dimoune réfléchi lor kitchose de bon ou de mauvais, ene l'idée correspondant vine dans so l'esprit. Par exemple, ene dimoune pieux et véridique compose bane Vers (c'est-à-dire, bane phrases d'ene poème) à l'appui de la vérité, et

ene l'autre, ki rempli avec bane méchanceté et vices, li pou soutenir le mensonge dans so bane Vers et li pou ena bane mauvais paroles pour bane ki justes, ki lor le droit chemin.

Donc, si l'apparition d'ene l'idée dans l'esprit ti bizin être considéré comme ene révélation, alor ene poète ki rempli avec bane kitchoses de mal et ki ene l'ennemi de la vérité et de bane justes et ki écrire en opposition à la vérité et ki ena recours à l'imposture, alor sa kalité dimoune là ti pou appelle li aussi ene récipiendaire de la révélation divine. Beaucoup de bane romans fine écrire par bane dimounes (bane écrivains) dans ene excellent style et zot présente de l'avant bane z'histoires tout à fait fausses mais ki ena ene continuité (dans raconte z'histoire là) et ki bien organisé. Alor, eski nous bizin alor considère sa bane z'histoires là couma bane révélations?

Si la révélation veut dire simplement ene l'idée ki surgir dans so l'esprit, alor nous ti pou capave aussi appelle ene voleur ene récipiendaire de la révélation, parski ene voleur expérimenté pense souvent à bane moyens surprenants pour faire bane cambriolages et bane vols, et li concevoir dans so l'esprit beaucoup de bane projets intelligents couma pou cokain et couma pou touye dimounes aussi. Eski alor tous sa bane projets impurs là capave appelle sa révélation? Absolument pas. Sa c'est zis façon de penser de bane ki pas conscients du vrai Dieu, ene tel Dieu Qui reconforte le cœur de So bane serviteurs en conversant avec zot et ki donne la compréhension de la connaissance spirituelle à bane ki pas ti conne sa avant.

Ki été donc la révélation? C'est la conversation vivant et puissant d'ene Dieu ki saint et puissant avec ene serviteur de So choix, ou avec celui ki Li désigné comme So élu. Quand sa conversation là commencé de manière adéqua et satisfézan, étant totalement exempté de l'obscurité de bane fausse concepts, et ki composé seulement de quelques mots inadéqua et sans signification (c'est-à-dire, bane erreurs bien banale, pas grave, couma orthographe etc.) et kot sa bane révélations là apporte ene la joie complète, extraordinaire, et aussi beaucoup de sagesse et de grandeur, alor c'est certainement la parole d'Allah avec quoi Allah décide pou console So serviteur et pou manifester Li à sa serviteur là.

Parfois, la révélation li accordé à ene dimoune comme ene épreuve et li pas équipé de bane bénéfiques en abondances. Dans sa cas là, Allah mette sa récipiendaire là à l'épreuve à sa stade élémentaire là, de sorte ki après ki li fine goûte quelque chose de la révélation, li capave change (réforme) so la vie et fer de so la vie couma la vie de bane vrais récipiendaires de la révélation, à défaut de quoi li pou frustré. Si li pas adopté bane façon de faire de bane dimounes ki vraiment justes, li pou privé de la

plénitude de sa générosité, de sa faveur là et pas pou reste nannié pour li excepter bane vanités bien initiles et dans vide.

Des millions de bane vertueux fine vine bane récipiendaires de la révélation, mais zot tous pas ti égale dans lizié d'Allah. En effet, même bane saints prophètes d'Allah, ki bane récipiendaires de la révélation divine au plus haut niveau, pas ti ena même rang et statuts ki zot bane les autres camarades prophètes, couma Allah (swt) dire: **« De parmi sa bane Messagers là, ena certains Nous fine exalté (élever) au-dessus de bane les autres »**. (Al-Baqara 2: 254).

Sa montré ki la révélation c'est ene pure grâce divine et li pas ene preuve d'exaltation. L'exaltation li selon le degré de vérité, de sincérité et de fidélité de sa récipiendaire là, et sa c'est zis Allah ki conné. Si la révélation possède tous so bane conditions bénie, alor li vine aussi ene de bane fruits de sa bane qualités là. Pas ena aucaine doute ki si la révélation prend la forme d'ene échange actif entre récipiendaire là et Allah, c'est-à-dire, ki le récipiendaire soumette ene question et ki Allah réponde à sa question là, et ki ena ene séquence entre question et réponse là, et ki révélation là en question li caractérisé par la majesté et la lumière divine, et ki li inclure aussi la connaissance de l'invisible et Véritable compréhension, alor sa révélation là c'est vraiment la parole d'Allah.

Bizin nécessairement ki la révélation divine li couma ene dialogue entre deux camarades. Kan serviteur là soumette ene question, li bizin alor recevoir ene réponse délicieux et éloquent de côté d'Allah (swt), et kot là-dans (dans sa réponse là) so moi (so propre personne), so pensée et so réflexion pas ena aucaine part là-dans. C'est-à-dire, kot sa la force là li vine seulement de Allah et kot pas ena aucaine partie de li, so égo ki manifester. Si ene tel dialogue li accordé comme ene générosité, ene faveur immense lor ene dimoune, alor c'est la Parole d'Allah et celui ki recevoir sa Parole là li vraiment ene dimoune ki Allah apprécier/ content.

Le fait ki la révélation (ki vine de côté d'Allah) li bizin être accordé comme ene générosité, ene faveur - et ene série de révélations vivant et saint bizin aussi être accordé par Allah à ene serviteur dans ene façon claire et sous ene forme pure - (alor le fait ki la révélation li bizin être accordé comme ene générosité, ene faveur) sa pas tout dimoune ki gagner sa, sauf bane ki atteindre ene haut niveau de foi et de sincérité, et de action ki juste/ bon, et de ce ki nous pas capave mentionné ici. La révélation, ki vrai et saint, révèle bane nombreux merveilles de la divinité. Très souvent, ene la lumière brillant li généré et, avec li, sa récipiendaire là recevoir ene révélation majestueux et brillant.

Ki faveur ki pli grand alor ki sa, kot ene récipiendaire de la révélation li gagne ene conversation avec Celui Qui le créateur de bane les ciels et la terre. L'homme (la race humaine), le serviteur d'Allah pas pou capave trouve Allah excepté en conversant avec Li.

Mo termine mo Khutba ici avec sa *duah* très profond à Allah pour ki tous bane membres de la Jamaat Ul Sahih Al Islam, tous mo bane disciples et suivants, ainsi ki tous bane musulmans et l'humanité dans so l'ensemble comprend vraie notion de révélation et so l'essence ainsi ki so l'importance dans nous la vie, en particulier dans l'époque d'ene messenger d'Allah ki fine être élevé (par Allah) pour guide zot vers Allah (swt). *Insha-Allah, Ameen.*